



POSTDA



O'zbekiston Respublikasi
IIV nashri

2010-yil

Sh Yu Du So Ch Pa Ju Sh Yu Du So Ch Pa Ju Sh Yu Du So Ch Pa Ju Sh Yu Du So Ch Pa Ju Sh Yu Du So Ch Pa Ju Sh Yu Du
1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31

May

Gazeta 1930-yil 12-maydan chiqq boshlagan • E-mail:urmvd@inbox.uz • №18(3859)

Хотира ва қадрлаш куни олдидан

МАТОНАТ ВА САДОҚАТ РАМЗИ

Хар бир жабҳада, айниқса, ички ишлар идоралари хизматидаги ютуқларнинг калити мустақам интизомдир. Бунга роия этган ходимлар мақсад сари интилганда дуч келган тўсиқларни енгиб ўта олади, хизмат пиллапояларидан кўтарила боради. Бунга шу йил кузда табарруқ тўқсон ёшани нишонлайдиган отахон, истеъфодаги генерал-майор Шариф Ҳасанбоевнинг ҳаёти ва фаолияти мисол бўла олади.

Шариф Рустамович болаликдан тиббиёт ходими бўлишни орзу қилган. У дастлаб Тошкент тиббиёт институти қошидаги ўрта махсус билим юртида тахсил олади. Кейин институтга кириб ўқиётган пайтда Иккинчи жаҳон уруши бошланади. Мамлакат муҳофазасини мустақамлаш мақсадида барча олий ўқув юртидан йигитлар танлаб олиниб, ҳарбий билим юртига ўқишга жойлаштирилади. Шулар қаторида Шариф Ҳасанбоев ҳам бор эди. Унга Смоленск шаҳридаги пулемётчилар билим юртига йўланма берилди. Уруш бошлангани боис билим юртининг дастурлари қисқартирилиб, ўқиш икки йилда тугатилиб, курсантларга

лейтенант унвони берилди ва муҳофаа ўчоқларига жўнатилади. Босқинчилар собиқ иттифок ҳудудига бостириб кирганида Ш. Ҳасанбоев Беларуссияда хизмат қиларди.
– Урушнинг биринчи куниданок фронтда бўлишимга тўғри келган, – дея хотирлайди Шариф ота Ҳасанбоев. – Бизнинг билим юрти битирувчиларидан бир гуруҳи Беларуссиянинг Осиповичи шаҳрида эдик. Эрта тонгда босқинчилар уруш бошлади. Тиштирноғича қуролланган душман десантчилари айнан шу шаҳарга ташланди. Аввалига озгина эсанкираб қолганлар бўлди. Аммо тезда ўзимизни қўлга олиб, қаттиқ қаршилик кўрсат-



дик. Қурол-аслаҳа, техника жиҳатдан анча устун бўлган душманга бас келиш осон эмасди. Киноларда тасвирлангандек, бир неча бор орта чекинган дамларимиз бўлган.

Шариф Рустамович хизмат қилаётган батальон танк гуруҳларига қарши жанг олиб боради. Поёнсиз майдонларда кечаётган жангларда мардлик, жасорат намуналарини кўрсатган Ш. Ҳасанбоев взвод сардори бўлади. Аёвсиз жангу жадалларни бошидан кечирган ўзбек офицери, разведкачилар тайёрлаш ротасига сардор этиб тайинланади.

– Гоҳида мендан уруш ҳақида гапириб беришни сўрашади. Кўз олдимга қирғин-барот жанглар келиб, вужудимга титроқ туради. Шаҳар ва қишлоқларнинг харобага айланганларини эсласам шу кунларга етиб келганимиз учун қайта-қайта шукрона айтаман. Бизнинг бахтиёр авлодимиз ҳеч қачон уруш балосини кўрмасин, – дейди отахон.

(Давоми 4-бетда).

Қасамёд

ВАТАНИНГ МАРД ПОСБОНЛАРИ



Республика ИИВ Академиясининг байрамона безатилган ўқув-дала майдонида Сержантлар таркибини тайёрлаш бўйича олий курслари курсантларининг юрт тинчлиги ва барқарорлигини таъминлаш, Ватанини кўз қорачигидек асраш, фуқароларнинг ҳақ-хуқуқларини ҳимоя қилиш ҳақидаги қасамёд қабул қилиш тантанаси бўлиб ўтди. Минбарга республика Ички ишлар вазири ўринбосари, полковник Алишер Мирзаев, ИИВ Академияси масъул ходимлари ва маросимга ташир буюрган меҳмонлар кўтарилишди. Олий курслар бошлиғи, полковник С. Тангирбердиев курсантлар қасамёд қабул қилишга сафлангани ҳақида ахборот берди.


Тантанали тадбирни ИИВ Академияси бошлиғи вазифининг вақтинча бажарувчи, полковник Т. Саитбаев кириш сўзи билан очар экан, билим масканида курсантлар пухта билим эгаллаши учун барча шароитлар муҳайё қилинган, зарур моддий-техника базаси яратилгани, кенг, ёруғ ўқув хоналари, маъруза заллари улар ихтиёрида эканлигини таъкидлади.

Шундан сўнг курсантлар Ватани, халқи ва Президентига содиқ бўлишга қасамёд қилишди. Полковник А. Мирзаев уларни шодиёна билан қутлар экан, куйидагиларни алоҳида таъкидлади:

– Юртимиз тинчлиги ва фуқаролар хавфсизлигини таъминлашга қодир, адолат билан иш юритиб,

хизматда ўрнат қўрсата оладиган ходимгина халқ ўртасида хурмат қозонади. Бунинг учун у фидойи, юксак маънавиятли, чуқур билимга эга, ўз касбига содиқ ва ватанпарвар бўлмоғи лозим. Сизларнинг асосий вазифингиз Академияда ўрнатилган тартиб-интизомга роия қилган ҳолда, аъло баҳоламага ўқиб, малакали мухтаassis бўлиб етилиши, амалиётда эса жамоат тартибини сақлаш, жиноятчиликка қарши курашда олдинги сафларда бўлишдан иборатдир. Барчангиз қабул қилган қасамёда содиқ қолиб, уни юксак хизматингиз билан оқлайсиз, деб ишонч билдираман.

(Давоми 2-бетда).



Ватанимизнинг юксак мукофотлари

«ЖАСОРАТ» МЕДАЛИ

Ўзбекистон Республикаси Олий Кенгазининг қарорига мувофиқ Ўзбекистон Республикасининг 1994 йил 5 майдаги Қонунига биноан мамлакатимизда «Жасорат» медали таъсис этилган. Ватанимизнинг ушбу юксак мукофоти билан Ўзбекистон Республикаси ҳарбий хизматчилари, Миллий хавфсизлик хизматининг ва ички ишлар органларининг ходимлари республиканинг миллий хавфсизлигини таъминлаш,

жамоат тартибини сақлаш ва жиноятчиликка қарши курашда, ҳарбий бурчини ёки хизмат бурчини адо этиш вақтида кўрсатган мардлик ва жасоратлари учун мукофотланадилар. Шунингдек, «Жасорат» медали билан Ўзбекистон Республикаси фуқаролари ёки Ўзбекистон Республикаси фуқароси бўлмаган шахслар табиий офат, ёнғин ва бошқа фавқулодда ҳолатлар вақтида жамоат мулкани сақлаб қолишда кўрсатган

жасоратлари учун мукофотланишлари мумкин.

Мазкур мукофот таъсис этилгандан бери халқимизнинг улуг байрами – Мустақиллик куни, Ички ишлар идоралари ходимлари куни ҳамда Ватан ҳимоячилари куни муносабати билан мамлакатимиз дахлсизлигини, миллий хавфсизлигини таъминлаш, халқимиз осойишталигини муҳофаза этиш ҳамда хизмат бурчини бажариш чоғида мард-

лик ва фидойилик намуналарини кўрсатган, миллий манфаатларимизни ҳимоя қилишдаги жасорати, юртимизда тинчлик ҳамда барқарорлиқни мустақамлаш борасидаги катта хизматлари учун кўплаб ички ишлар ходимлари тақдирландилар. «Жасорат» медали билан хизмат пайтида матонат ва жасорат намуналарини кўрсатиб, ҳалок бўлган ички ишлар ходимлари ҳам мукофотланганлар.

Шу кунгача мамлакатимиз ички ишлар идораларининг қарийб беш юз нафар ходими давлатимизнинг «Жасорат» медали билан тақдирланган.

Парламент ҳаёти



ДОЛЗАРБ МАВЗУЛАРГА БАҒИШЛАНДИ

Мамлакатимиз Президенти Ислоҳ Каримов Ўзбекистон Республикаси Олий Мажлиси Қонунчилик палатаси ва Сенатининг 2010 йил 27 январдаги қўша мажлисида сўзлашган дастурий маърузаларида янги таркибдаги парламент олдида турган долзарб вазифаларни белгилаб берган эдилар. Жумладан, парламентнинг назорат-таҳлил фаолиятини кучайтириш лозимлиги ҳақида тўхталар эканлар: «Ижро этувчи ҳокимият устидан парламент назоратини кучайтириш вазифасини муваффақиятли ҳал этиш, кўп жиҳатдан, оммавий ахборот воситалари, кенг жамоатчиликнинг бу жараёндаги фаол иштирокига боғлиқдир», дея таъкидлаган эдилар.

Куни кеча республика Олий Мажлиси Қонунчилик палатаси Ахборот ва коммуникация технологиялари қўмитаси томонидан ўтказилган «Парламент назорати самарадорлигини оширишда оммавий ахборот воситаларининг ўрни» мавзудаги давра суҳбати ана шу долзарб вазифанинг ижроси масаласига бағишланди.

Парламентнинг Қонунчилик палатаси Спикери ўринбосари У. Муҳаммадиев қисқача кириш сўзида журналистларнинг муайян соҳага ихтисослашуви замон талаби эканлигини таъкидлади. Шунинг учун ОАВ вакиллари парламентнинг куйи палатасида аккредитациядан ўтказилганга, қолаверса, бугунги тадбир парламент фаолиятининг радио ва телевидениеда, газета ва журналларда ҳаққоний, чуқур, тезкорлик билан ёритилишига ёрдам беришига умид билдирди.

Олий Мажлис Қонунчилик палатаси Қонунчилиги ва суд-ҳуқуқ масалалари қўмитаси аъзоси А. Раҳимов ўз чиқишида парламент назорати қўнунлар ижросини ўрганиш баробарида ушбу жараёнга таъсир этувчи омилларни аниқлаш, камчиликларни бартараф этиш, мансабдор шахслар масъулиятини ошириш имконини беришини таъкидлади. Шу аснода қўнунларга қандай ўзгариш ва қўшимчалар киритиш зарурлиги ҳам аён бўлишини айтди.

Фуқаролик жамиятини ўрганиш институтининг лойиҳа раҳбари Б. Алиханов эса анжуман кун тартибидagi масалага боғлиқ ҳолда партиялар нашрларининг мазмун-муҳадрижасини таҳлил қилди, мавжуд камчиликларни қайд этиб ўтди.

Сўзга чиқувчилар келтирган рақамлардан шу нарса маълум бўлдики, аввали парламент таркиби ўз фаолияти даврида 200 дан ортиқ назорат-таҳлил тадбирини ўтказган бўлса, уларнинг якуни юзасидан ОАВда 20 мартаба чиқиш қилинган. Бу кам, албатта.

Олий Мажлис Қонунчилик палатаси Матбуот хизмати раҳбари О. Усаров ўзи раҳбарлик қилаётган хизмат олдида масъулиятли вазифалар тургани, бу борада муайян ишлар амалга оширилганини айтиб ўтди. Журналистларни парламент фаолиятини ёритишда турли жанрлардан, хусусан, репортаж жанридан самарали фойдаланишга чақирди.

– Эндиликда аккредитациядан ўтган журналистларнинг керакли маълумот олишлари учун қўлайликлар яратилган, – деди нотик. – Ахборот маркази ташкил этилгани ўз самарасини бераёпти. Ўтган уч ой ичида парламент фаолияти ОАВда 600 марта ёритилди. Тўғри, ҳамма чиқишларни ҳам бирдай мазмундор, таҳлилга бой деб бўлмайди. Лекин ўзаро ҳамкорлик кучайгани сайин бу камчиликлар ҳам бартараф этила борилади.

Мунозаралар чоғида Олий Мажлис Қонунчилик палатаси депутатлари, журналистлар ва бошқа анжуман иштирокчилари парламент назорати самарадорлигини оширишда ОАВ ролинини оширишга доир ўз фикр-мулоҳазаларини билдирдилар. Жумладан, жойларда назорат-тафтиш тадбирлари жараёнида, тегишли қўмиталарда уларнинг муҳокамасида журналистлар ҳам қатнашиши зарурлигини айтишди.

Шу кун Олий Мажлис Қонунчилик палатасининг Саноят, қурилиш ва савдо масалалари қўмитасининг ҳам мажлиси бўлиб ўтди. Унда «Автомобилсозлик соҳасида ишлаб чиқаришни маҳаллийлаштириш ва тизимда бозор муносабатларини шакллантириш» мавзусида «Ўзавтосаноат» акциядорлик компанияси бошқаруви раисининг ўринбосарлари Ф. Юсупов ва Т. Жалиловларнинг ахборотлари тингланди. Мухоама чоғида сўзга чиққанлар соҳада мавжуд камчиликлар, уларни бартараф этиш чора-тадбирлари юзасидан ўз фикр-мулоҳазаларини баён этдилар.

Бобомурод ТОШЕВ.

